

DANMARKS NATIONALBANK

24. NOVEMBER 2022 — NR. 13

KALAALLIT NUNAATA ANINGAASAQARNERA

Aningaasarsiornermi ilungersunartorsiorneq aaqqissuusseqqinnissamillu pisariaqartitsineq annertusiartortoq



Akit aningaasarsiornikkut qaffasissumiinnerat aamma sulisussaaleqineq

Tunisassiornermi pisinnaasat nungungajallugit atornerqarput, sulisullu piginnanillit assut amigaatigineqarlutik. Tamanna Nuummi malugineqarnerpaavoq, tassanilu sualuppallaalersinnaanera aamma annertunerpaalluni.



Aningaasat naleerukkiartornerat annikitsoq

Nunap nukissiuutitigut atortulersugaanerata immikkuullarissuunerisa kingunerisaannik akit qaffakkiartornerat suli annikippoq. Ukioq manna aammalu 2023-mi oliemut akit aaliangersimasut isumaqatigiissutaasimasut aningaasat naleerukkiartornerannut annikillisaataapput, kisianni siunissaq ungasinnerusooq eqqarsaatigalugu Kalaallit Nunaat nunarsuarmi akinut qaffakkiartortunut ingalassimatinnissaa periarfissaanngilaq.



Aaqqissuusseqqinnissamut pisariaqartitsineq annertusiartortoq

Aningaasaqarnermut politikki siunissaq ungasinnerusooq eqqarsaatigalugu atasinnaanngilaq, pisortallu aningaasartuutaat akileraarusiisarnermut malittarisassanit atuuttunit aningaasalersorneqarsinnaanngillat. Aaqqissuusseqqinnissanut pisariaqartitsineq annertusiartortoq, ilanngullugit akileraarusersueriaatsip ilinniartitaanerullu aaqqissuussaasimanerat.

Akit aningaasarsionnikkut qaffasissumiinnerat aningaasallu naleerukkiartornerat annikitsoq

Kalaallit Nunaata akit aningaasarsionnikkut qaffasissumiinnerat nalaqqavaa, tunisassionermilu pisinnaasat nungungajallugit atornerarlutik, avataaniillu sulisussanik atortussanillu annertusiartuinnartumik pisariaqartitsilluni. Pingaartumik mittarfinnut nunallu allatigut atortulersorneqarnerani sanaartornernut angisuunut aningaasaliissutaasimasut ukiuni makkunani suliassaqtitsipput. Takornariaqarneq kingumut annertuseqqissimavoq ukiuni 2020-mi aamma


2021-mi annaaneqartareersimagaluartoq. Tamanna tunngavigalugu Kalaallit Nunaanni Aningaasaqarneq pillugu Siunnersuisoqatigiit naatsorsuutigaat aningaasaqarnikkut qaffariartorneq 2016-imi aalisarnikkut ingerlalluarnermik aallartissimasoq ukiuni tulluittuni ingerlaannassasoq, takuuk ilusiliaq 1.

Siuariarneq suliffissaqarniarnermi ersarissumik takuneqarsinnaavoq, suliffissaaleqisut allattorneqarsimasut amerlassusaat apparsimmata


Ilusiliaq 1

Kalaallit Nunaata aningaasaqarnera pillugu paasissutissat piviusut

BNP-ip annertusiartornera, procentingorlugu



Atuisartunut akigitinneqartut qaffakkiartorneri, procentingorlugit



Najoqqutaq: Kalaallit Nunaanni Naatsorsueqqissaartarfik aamma Qallunaat Nunaanni Naatsorsueqqissaartarfik.

1. Kalaallit Nunaanni Aningaasaqarnikkut Siunnersuisoqatigiinitt, september 2022
2. Qaammammut kisitsisit agguaqatigiisillugit.
3. BNP Qallunaat Nunaanni innuttaasumut ataatsimut sanilliullugu 398.600 kr. miss. 2020-mi.

Suliffissarsiorlut

- Agguarnera qaffasissuq (6 procent qaangerlugu)
- Naammaannartumik qaffasissuq (3 aamma 6 procent akornanni)
- Appasissumik qaffasissuq (3 procent ataallugu)

Innuttaasut 17 aamma 65 akornanni ukiullit

- 5000 sinnerlugit
- 2000-5000
- 1000-2000
- 1000 ataallugit



Aningaasat nalingi	Qallunaat aningaasaat, Danske Kroner
Inuit amerlassusaat (2020-p aallartinnerani)	56.562
– taakkunanga Nuummi (illoqarfiit pingaarneraanni)	19.261
Nunap inui 17-64-inut ukiullit	38.207
Sulisinnaasut (2020)	26.808
Suliffissaaleqisut (2020)	1.431
BNP (mia. kr., 2020)	20,1
– Illoqarfimmi inummataatsimut (1.000 kr.)	358,8


september 2022-mi 1.000-it inulersimallugit. Aatsaat taama ikitsigipput, kisitsisilli aningaasaqarnikkut ineriartornermi nunap immikkoortuisa akornanni assigiinngissutsinik takutitsipput. Suliffissaqarniarnikkut ilungersunartorsiorfiusoq illoqarfii pingaarnersaanni Nuummi avannaanilu illoqarfinni anginerusuni annerpaavoq. Kalaallit Nunaata kujataani aammalu Tunumi Tasiilami suliffissaaleqisut suli amerlaqaat, aningaasaqarnikkullu ineriartorneq siuariarpallaarsimannginnerungaartoq ersersillugu.

Nuup Kalaallit Nunaanni immikkuullarissutigaa illoqarfii annersarilluinnarmassuk 19.000-it sinnerlugit innuttaqarami, innuttaqassuserlu eqqarsaatigalugu Sisimiuni innuttaasunut 5.500-nut Ilulissanilu 4.700-nut naleqqiunneqarsinnaananiluunniit. Nuuk ukiuni kingullerni illoqarfittuavaq nussorfigineqartoq, inissaaleqinerullu kalaallit illoqarfii pingaarnersaanni suli eqiterunnerunissaat ilumut kingaallatseqqavaa.

Ukiq manna aningaasat naleerukkiartornerat annikitsoq

Kalaallit Nunaanni atuisartunut akigitinneqartut juli 2022-mi 2,2 procentimik ukiq kingullermit qaffasinnerupput. Aningaasat naleerukkiartornerat nunanut allanut sanillukkaanni annikippoq nunallu nukissiuutitigut pilersorneqarneranut annertuumik attuumassuteqarluni. Innaallagissamik kiassarnermillu pilersorneqarneq nunap immikkoortuini erngup nukinga atorlugu nukissiuutitigut pisarpoq imaluunniit piffimmi innaallagissiuutit nukissiuutillu orsussamik dieselimik ingerlateqartut mikinerusut atorlugit. Namminersorlutik Oqartussat pigisaat selskabi Polaroil Kalaallit Nunaannut uuliamik orsussamillu dieselimik nioqqutissianik pilersuisussaataavortaaq, kiffartuussinissamut isumaqatigiissut aqqutigalugu, Ukrainemilu sorsunneq sioqqutingaatsiarluguli akinut qulakkeerneqartumik isumaqatigiissutit piffissami 2021-miit 2023-mut atuuttussanik isumaqatigiissusiortoqarsimalluni. Orsussanik nioqqutissianut akit aaliangersimasut isumaqatigiissutaareersut maangamut nunami orsussanik nioqqusiat akiinut qaffaanissaagaluaq pinngitsoortissimavaat aammalu ukiumi matumani aningaasat naleerukkiartornerannut annikitsumut ilasaataasimallutik.

Aningaasat naleerukkiartornerannut annikitsumut aamma pissutaaqataasoq tassaavoq ukiuni tullerriiaani inissiat atornerannut aningaasartuutit appariarsimmata, tassaasut ineqarnermut



akiliut, innaallagiaq, imeq kiassarnerlu. Appariarneq taanna ilaatigut ineqarnermut akiliutit aamma innaallagissamut, imermut kiassarnermullu akit appasittuumiitinnissaat inissiat pisortanik pigineqartunik amerlasuunik iluarsartuussinissanut aserfallatsaaliinissamullu pisariaqartunut aningaasaliissutissanik pissarsiniarnerminngarnit politikkikkut pingaartinneqarnerusimanerannit pissuteqarpoq.

Immikkoortulli ilaanni akit qaffanneri malunnaateqarnerupput, ilaatigut nioqqutissani inuussutissartalinni eqqussuunneqartuni, assartuinermi aammalu sullissinissamik isumaqatigiissutit avataani aalisarnermik Inuussutissarsiornermut uuliamik tunisassiani.

Ungasinnerusoq isigalugu Kalaallit Nunaat nunarsuup sinnerani akit qaffakkiartornerinut sunnerneqartinnaveersaarnissaa ajornassaaq, nukissiuutinut akigitat qaffannerisa atuisartunut akigitinneqartut qaffatsissavai, ingasammik akinut aaliangersimasunut isumaqatigiissutit 2023-imi atorunnaarpata. Piffissap siviisuup ingerlanerani Qallunaat Nunaanni Kalaallillu Nunaanni aningaasat naleerukkiartornerat malunnartumik ataqatigiissimavoq, nunap aningaasai ataatsimoorunneqarmata annertuumillu niuveqatigiittoqarmat, takuuk ilusiliaq 2.

Aalisarnermi ukiut pitsaasut aningaasaqarnermut nukittorsataasimapput

Aalisarnerq inuussutissarsiutit annersaraat, nioqqutissanillu avammut nioqquteqarnermi aalisakkanit nioqqusiat assigiinngisitaartumik suliarineqarsimasut sunik tamanik qulangiisuullutik. Avammut nioqquteqarnermi artit pingaarnersaasut tassaapput raajat, qalerallit aamma saarullit. Avammut niuernerup nalingisa affai raajanik avammut tunisinerminngaanniik isertitaapput.

Raajarniarnermi pingaaruteqartumi pisarineqartartut amerlassusai ukiorpassuarni ajunngitsumik ineriartorsimapput 2021-imilu aamma qaffakkiartorsimallutik. Raajarniarneq pijuartitsisutut MSC-imik uppersaasigaavoq, pisassiisutillu pijuartitsisumik aalisarnerq pillugu biologit siunnersuinerat malinneqartarlutik. Tamanna aamma avataani qalerallinniarluni aalisarnermi atuuppoq. Aalisarnermili immikkoortut allat nangaanartumik malittarisassaqartinneqarput, pingaartumik sinerissap qanittuani qalerallinniarneq saarullunniarnerlu, tamaani aalisarnerq biologit siunnersuutaanniik annertuumik qaangiisarluuni taamaammallu pijuartitsinerunani.


Namminersorlutik Oqartussat 2019-imi aalisarnermut ataatsimiititaliarsuaq pilersippaat, taassumallu 2021-mi isumalluutip pingaaruteqartup aalisarnerqarnera pijuartitsinerusoq qulakkeerniarlugu inuiaqatigiinnullu iluanaarutit annertunerulersinniarlugit pilersitsiniarnerit piviusut arlaliusut innersuussutigai. Ataatsimiititaliarsuup innersuussutaasa malitseqartinneqarnissaat piffissamut ungasinnerusumut inuussutissarsiutit nukittorsarnissaanut tunngavissaavoq pingaartoq.

Aalisakkaat qaleruallillu akii 2022-mi qaffapput, tamanna nunarsuarmi tamarmi nerisassat akiisa qaffannerinut nalinginnaasunut atassuteqartutut takuneqarsinnaavoq. 2022-mi kuartip 2-ni Kalaallit Nunaata raajanik avammut tunisassiaasa akii ukiup siulianit 10 procentimik qaffasinnerupput, qalerallillu akii 19 procentimik qaffasinnerullutik, saarullillu akii 34 procentimik qaffallutik.

Aalisakkaat qaleruallillu avammut tunisassiat akii Kalaallit Nunaanni pigissaarnermut isumalerujussuupput. Aalisakkanik tunisassiat akiisa qaffakkiartorneri nunanut allanut niuernermi avammut tunisassiornermi akit avataaniillu tunisassianik eqqussuinermi akit akornanni pissutsit pitsanngortinnissaannut tunngaviliisuupput

Aalisakkaat qaleruallillu akiisa qaffassimaneri 2014-ip kingornali paarlaasseqatigiinnermi pissutsit sakkortuumik nukittorsarsimavaa aammalu pigissaarnerq nukittorsarsimallugu

Ilusiliaq 3



Nassuiaat: Ukioq 2020 tassaavoq nuna tamakkerlugu naatsorsuusiorfik kingulleq. Aalisakkaat qaleruallillu akiisa corona pissutigalugu matusisariaqartarsimanerit il.il. pissutigalugit nunarsuaq tamakkerlugu 2020-21-mi apparsimaneri 2022-mi qaffaqqissimapput.
 Najoqqutarisaq: Kalaallit Nunaanni Naatsorsueqqissaartarfik.

(paarlaasseqatigiinnermi pissutsit), taamaalillunilu akisunerusunik eqqussuinerup kingunerisaanik pigissaarnikkut appariarneq killilersimaarsinnaallugu.

2014-imiilli aalisakkanik tunisassianut akit avataaniit nioqqutissanik eqqussuinermit sanilliullugit malunnartumik qaffannerungaarsimapput, takuuk ilusiliaq 3. Taamaalilluni nunanut allanut niuernermi paarlaasseqatigiinnermi pissutsit annertuumik nukittorsarsimavaa, tassalu aalisakkanik qaleruallinnillu avammut tunisassiornerup avataaniit nioqqutissanik eqqussuineq annertusiartortoq aningaasalersinnaasimallugu.

Taamaalilluni avammut niuernermi akit qaffakkiartortut Kalaallit Nunaata atuinermit aningaasaliinissamullu periarfissai nukittorsarsimallugit. Nunap nioqqutissiaasa tamarmiusut naleqassusii, BNP, paarlaasseqatigiinnermi pissutsinik aaqqiiffineqarsimasut (piviusut) pigissaarnikkut iluanaarutaasoq tamanna paasinarsisippaa: BNP ukiuni 2010-miit 2020-mut ukiumut agguaqatigiissillugu 1 procentip missaanik qaffattarsimavoq, ukiunilu aamma taakkunani

BNP paarlaasseqatigiinnermi pissutsinik aaqqiiffigineqarsimasoq ukiumut 2,4 procentit missaannik qaffattarsimalluni, Kalaallit Nunaanni Aningaasaqarnermut Siunnersuisoqatigiit misissueqqissaarnerat malillugu. Aalisarnermi ukiut pitsaasut inuiaqatigiit akornanni atuinnermut annertuumik sunniuteqarsimapput, aalisarnermi aningaasaliinernut aammalu aalisakkanut qalerualinnullu isumalluutininik atuinnermut akitsuut aqcutigalugu Namminersorlutik Oqartussat isertitaannut.

Nunap atortulersugaaneranut aningaasaliissutit annertuut


Aningaasaliissutit 2019-imiilli BNP-ip 30-35 procentiisa missaanniissimapput, annertunerusumik sanaartorneq qaffasissutsimut ilanngusseqataasuulluni. Mittarfissuit marluk katillugit 3,9 mia. kr.-nik nalillit Nuummi aamma Ilulissani sanaartorneqaleruttorput. Qallunaat Naalagaaffiat suliniutit taakku aningaasalersornerannut peqataavoq. Nuummi mittarfissualiorluni sanaartorneq 2019-imi aallartippoq, sanaartornermilu suliat ukioq manna piareernissaat naatsorsuutigineqarluni, tamatuma kingorna terminalit illorsuartassaat nutaat il.il. tullinnguunneqassallutik. Mittarfik 2024-p naajartornerani piareertussatut naatsorsuutigineqarpoq. Ilulissani mittarfik Nuummiittumit kingulliulaarluni piariissaaq, ilimagineqarpoq 2025-mi. Tamatuma saniatigut Kalaallit Nunaata kujataani Qaqortumi mittarfik mikinerusoq sanaartorneqassaaq 1 mia. kr. missaannik naleqartumik, pilersaarutillu malillugit 2025-mi atorineqarsinnaalissalluni.

Nukiliamik pilersuineramik immikkoortumi 2021-mi aaliangerneqarpoq erngup nukinga atorlugu nukissiorfinnik pilersitsisoqassasoq katillugit 3,8-4,6 mia. kr. missaannik nalilinnik Nuummi, Aasianni Qasigiannuanilu nukiliamik pilersuisussanik. Isumaqatigiissutaasimavortaaq qallunaat naalagaaffiat pilersitsiniarnerni taakkunani aningaasaleeqataasinnaasoq. Taakku saniatigut Sisimiuni Nuummilu eqqakkanut ikuallaavissat nutaaliaasut sanaartorneqaleruttorput, aappaagulu aammalu ukioq 2024-mi taama malittariillutik piareertussatut naatsorsuutigineqarlutik. Nunami eqqakkanik passussinerup avatangiisinut isumannaatsup qulakkeernissaanut aningaasaliissutaapput pisariaqarluinnartut.

Aatsitassarsiornermi aatsitassanillu paaanermi

Pisortani atorfillit siuariarnerup nalaani amerlisimapput, namminersortunili allannguuteqarpiarsimanatik

Ilusiliaq 4



Nassuiaat: *Namminersortutut inuussutissarsiorneqartuni il.il. sulisorineqartut tassaapput sulisorineqartut ataatsimut katinnerat pisortat kiffartuussineranni ingerlatsinerannilu sulisorineqartut ilanngaatilugit.*
 Najoqqutarisaq: Kalaallit Nunaanni Naatsorsueqqissaartarfik.

suliaqarnerit annikipput. Maannakkut paaaffiit marluk ingerlapput, taakkua alikkunik aappaluttunik aammalu anorthositsinik paaapput. Ataatsimut isigalugu aatsitassarsiorfiit marluk taakkua inunnik 100 inorlugit sulliffissaqartitsipput. Aatsitassarsiornermi suliniutinut allanut arlalinnut qalluinissamut pisinnaatitsissutit tunniunneqarsimapput, namminersortunili aningaasaliissutissat amigaataanerat peqqutigalugu aallartinneqarsimanngitsunik.

Pisortani amigartoorutit naak aningaasarsiornikkut ingerlalluuartoqaraluartoq

Coronap nalaani pisortat aningaasaqarnerat 2020-mi 2021-milu amigartoornermik kinguneqarpoq, ilaatigut ikorsiissutinut ataatsimoortunut, ajornartoornermi timmisartuussineranut peqqinnissaqarfullu iluani aningaasartuutit qaffassimallutik. 2023-imut aningaasanut inatsisissamut siunnersuummi pisortat 2023-mi 2024-milu amigartooruteqassapput, naak aningaasarsiornikkut ingerlalluarneq suliffissarsiorutullu aatsaat taama ikitsiginerat pisortat annertuumik sinneqartoornerannik inerneqartussaagalarutoq. Taamannak imminnut assortuuttut nassuiaatissaasa ilaat tassaavoq annertuumik sanaartornermik aallussaqaarneq, aningaasartuutimmi ilai Nunatta Karsianit aningaasalersorneqarmata. Amigartoorneq ukiumi siuliini aningaasartuutit

annertusiar torsimanerint atassuteqarpoq. Pisortat ingerlatsineranni kiffartuussinerannilu aningaasaqarnerup siuariartornera ilutigalugu sulisoqarneq qaffakkiartorsimavoq, namminersortunili sulisoqarneq qaffakkiartortoqarnerata nalaani ataatsimut isigalugu allannguuteqarsimanani, takuuk ilusiliaq 4. Pisortani atorfeqartut amerlassusaasa siuariartuinnarnerat pisortat aningaasaqarnerannut ilungersunartorsiortitsivoq, siunissamilu namminersortut ingerlataqarfianni ineriartortitsinissanut periarfissanik killilersuisuulluni.

Unammilligassat annertuut utaqqipput

Naak Kalaallit Nunaata aningaasaqarnera ingerlalluaraluartoq suli annertuumik unamminartoqarpoq amerlasuunik, siumukarneq ingerlaannassappat kalaallit politikkeriisa aquttariaqagaannik.


Maanna suliffeqarfeqarfimmi ilungersunartorsiorneq unammilligassat annertusitiinnarpai. Nunap atortulersorneqarneranut suliniutit pilersaarutigineqartut amerlanerpaat annertooujussuupput, aningaasaqarnerup annertussusaanut naleqqiukkaanni. Sulisut piginnaanillit annertuumik amigaataagallartilugit suliniutaasut sualuppallaalersinnaanerata aarleqqutigineqarsinnaavoq aningaasaqarnerlu qajannarsisillugu, imminnut aamma akinut aningaasarsiornikkullu pissutsinut tulluarsarneqanngippata. Sulisut piginnaanillit amigaataanerata aningaasaqarnikkut siuariartuinnarnissaq annertuumik qularnartoqartilersinnaavaa.

Aningaasaqarnermut politikki aarlerinarluinnarpoq
Innuttaasut amerlanerpaartaat maanna sulisinnaasut nalaanni ukioqarput. Tamanna ukiuni qulikkaani tulliuuttuni annertuumik allanngortussaassaaq, tassa utoqqalilersut utoqqaallu inuusuttunit amerlanerulissammata, takuuk ilusiliaq 5.

Taamaammat utoqqalinersianut, peqqinnissaqarfimmut aammalu utoqqarnik sullissinermut pisortat aningaasartuutaat siunissami qaffattussaapput, aningaasartuuteqarnerunissarluni taanna maanna malittarisassat atuuttut malillugit aningaasaliiffiqarsinnaanngilaq. Pisortat

Ukiuni qulikkaani tulliuuttuni inuit sulisinnaasut nalaanni ukiullit ikinnerulersimasut utoqqalilersut utoqqaallu amerlanerulersimasut pilersortussaassavaat

Ilusiliaq 5



Nassuiaat: Pilersuisuusut aggornerat tassaavoq inuit 17-it inorlugit ukiullit amerlassusaat inuillu 65-it sinnerlugit ukiullit amerlassusaat 17-65 akornanni ukiullit amerlassusaannut naleqqiullugit.
Najoqqutarisaq: Kalaallit Nunaanni Naatsorsueqqissaartarfik.

isertittagaat aningaasartuuteqarnerunermut malinnaasinnaanngillat, taamaamallu aningaasaqarnermut politikki ungasinnerusoq eqqarsaatigalugu aarlerinarluinnarluni. Ingasammik danskit naalagaaffiannit ataatsimoortumik tapiissutit ineriartornerat ukiuni qulikkaani tulliuuttuni BNP-ip aggornerisa ilaattut isertitat appariartornermut ingerlaqqajaanerannut pissutaavoq, takuuk ilusiliaq 6. Ataatsimoortumik tapiissutit Qallunaat Nunaanni akissarsiat akillu ineriartornerat malillugit nalimmassarneqartarput, Kalaallit Nunaannili siuariartorneq agguaqatigiisillugu Qallunaat Nunaanninngarnit qaffasinnerummat ataatsimoortumik tapiissutit BNP-imut naleqqiukkaanni arriitsunnguamik minneruleriartussapput. 1990-ikkut qiteqqunneranni ataatsimoortumik tapiissutit ass. kalaallit BNP-iata 35%-erivaat, aggornerlu taanna 2020-mi 20%-imut appariarsimalluni sulilu appariartornissaa ilimagineqarluni.

Aarlerinartumiilernissamik aporfeqarneq politikikkut pingaarnersiortoqarnissaa pisariaqalersippaa, ataatsikkut aningaasartuutit qaffakkiartornerinik killilersuisinnaasunik akileraarutitigullu isertitanik amerlanerusunik pilersitsisinnaasunik,

ilaatigut inuussutissarsiornikkut peqataasut amerlanerulersinnerisigut aatsitassarsiornermilu aamma takornariaqarnermi il.il. inuussutissarsiutut nutaat pilersinnerisigut.

Taamaammat iluarsartuusseqinnissamik pisariaqartitsineq annertuvoq kalaallillu naalakkersuisuisa Naalakkersuisut nalunaarutigisimavaat 2023-mi aaqjissuusseqinnissamut pilersitsiniarnerit qassiit saqqummiunniarlugit, ilaatigut aarlerinartumiilernissamik aporfeqarneq aamma akileraarusersueriaatsip aaqjissuuteqqinnissaat.

Akileraarusersueriaatsip nutarsarnissaa

Akileraarusersueriaatsimi arlalitsigut ajornartorsiuteqarpoq aamma akileraarusiisarnerep isumagininnermilu ikiorsiissutit akornanni. Innuttaasut ataatsimoortut ilaanni akileraarusiineq eqqortoq ass. 100 procentimut qanittuaraavoq.


Akileraarusiinermut tunngavisoq nerukikannerpoq sulinermit isertitat, nioqqutit eqqussukat akitsuutaat aamma aalisakkanut qalerualinnullu isumalluutit atuinermut akitsuut assut pingaartinneqarlutik.

Isertitanik akileraarusiisarnermi sulinermit isertitanik qaffasissumik akileraarusiisarnerep aamma aningaasaatinis isertitat sukanganngilluinnartumik akileraarusiisarnerep akornanni ataqatigiinngitsoqarpoq. Illut ingerlaavartumik akileraaruserneqarneq ajorput ass. nalinganik akileraarusersuinikkut imaluunniit toqqavinnik atuisinnaatitaanermut akileraarusersuinikkut. Kalaallit Nunaanni nuna ataatsimut pigineqarpoq, kisianni atuisinnaatitaaneq inunnet ataasiakkaanut tunniunneqarsinnaavoq. Illunik tunisinerni iluanaarutit akileraaruserneqarneq ajorput, naak aningaasaatinis iluanaarutit ilai annertuut inuiaqatigiinnit pilersinneqarsimagaluartut. Illunik akileraarusiisoqartannginneratigut inuiaqatigiinni assigiinngisitsinermik annerulersitsisarpoq, tassa illut ilaqutariinnit nalinginnaasunit isertitaqarnerusartunit pigineqakkajuttarmata.

Nioqqutissanut soorlu avataaniit eqqussukkanut akitsuusiisoqartarpoq. Kisianni uliamik dieselimillu nioqqusiat eqqussukat akitsuutaat eqqumiitsumik appasippoq, taamaammallu ikummatissanik uulianeersunik atuinermut akikinnerulersitseqataalluni. Kalaallit Nunaata nukissamik atuinerata 82 procentit missaat ikummatissanik uulianeersunik sulii pisarpoq naak

Pisortat aningaasartuutaat isertitanit annertunerupput aningaasaqarnermullu politikki siunissaq ungasinnerusoq eqqarsaatigalugu aarlerinartumiilluinnarluni

Ilusiliaq 6



Nassuiaat: Isertitat aningaasartuutillu erniat ilanngunnagit pineqarput. Nikingassutaa pisortani inerneranute pingaarnermut naapertuuppoq. Isertitani Danmarkimiiit ataatsimoortumik tapiissutit ilaatinneqarput.

Najoqqutarisat: Kalaallit Nunaanni Naatsorsueqqissaartarfik aammalu Kalaallit Nunaanni Aningaasaqarneq pillugu Siunnersuisoqatigiit, september 2022.

erngup nukinganik nukissiuutit eqqakkanillu ikuallaanermut kiassarnerep atornerarneri qaffakkiartoraluartut, takuuk ilusiliaq 7. Taamaalilluni nunanut allanut sanilliullugu Kalaallit Nunaat ikummatissanut uulianeersunut sukanganngitsumik akileraarusersuisarpoq taamalu gassinut kissattoortitsisunut.

Akiitsut amerliartortut aarlerinartumullu saqqumineq

Namminersorlutik Oqartussat, kommuunit aamma aktiaatileqatigiiffiit pisortanit pigineqartut 2021-mi ernialersukkanik akiitsoqarput 5,6 mia. kr.-nik, BNP-ip 27 procentiata nalinga. Ilaatigut Namminersorlutik Oqartussani aningaasaatit tigorianaanaat uninngasuutigineqartut ilanngullugit naatsorsoraanni, taava akiitsut ernialersukat ilanngaattissat ilanngaatigereerlugit BNP-ip 17 pct.-ianik annertussuseqarput.

Akiitsut 2024-p tungaanut sulii 3 mia. kr.-nik ilaneqaqqissapput ingerlatseqatigiiffinni Namminersorlutik Oqartussanit pigineqartuni nunap atortulersorneqarneranut aningaasaliinerit

annertuut pissutigalugit, soorlu ilaatigut Nuummi Ilulissanilu nutaanik mittarfliornernut. Taamaalilluni ukiualunnguit ingerlaneranni Namminersorlutik Oqartussat aarlerinartumut saqquminerat annertusissaaq. Ingerlatseqatigiiffiit pisortanit pigineqartut inuiaqatigiinni arlalippassuarnik ingerlatassanik pingaaruteqartunik isumagisaqarput, pinngitsoorneqarsinnaanngitsunik. Aningaasaqarnikkut ajornartorsiulertoqassagaluarpat taakkua matuneqarsinnaanngillat, ingerlatallu ingerlatiinnarnissaat pisariaqartussaalluni.

Allaammi angaasaliinissamut pisariaqartitsinivik akiitsut ineriartornerannit paasineqalaarsinnaasuminngarnit angineruvoq. Ukiut malittariaat ingerlanerini inissiat, umiarsualiviit, pilersitat, nukiliamik pilersuinerit il.il aserfallatsaaliornissaannut kinguleruttut katersorneqarsimapput. Aserfallatsaaliornissamut kinguleruttut milliardilippassuarnik naleqarput nunallu nutaanik atortulersorneqarneranut aningaasaliissutinut nallersuullutik. Ininut sanaartukkanullu amerlasuunut pisortanit pigineqartunut immikut ittumik ajornartoorutaavoq, tamaanimi aserfallatsaaliuinissamut pisariaqartitsineq ingerlaavartumik pingaarnersuineri ipisinneqarsinnaammat. Kingulerunnerup suliarineqarnissaa immaqaneqarnermut akiliutit annertuumik qaffaavagineqarnerannik, pilersitanut il.il. atuisumut akileraarummik eqqussinermik pisariaqartitsissaaq.


Ilinniagaqassutsip qaffasissusia arriitsumik siuariartorpoq

Ukiuni aggersuni suliassaqartitsinerulernissaq suliffissaqartitsinerlu qaffatsinniarlugit ilinniagaqassutsip qaffatsinnissaa pingaaruteqarluinnarpoq. Kalaallit Nunaanni piginnaalersitsisumik ilinniagaqarsimasut akornanni suliffissarsiortoqanngivippoq.

Ilinniagaqassutsip qaffasissusia siuariartorpoq, politikikkulli angusaqarusussusermut naleqqiullugu arriippoq. Inuusuttut meeqqat atuarfiata kingorna inuussutissarsiornermut attuumassuteqartumik ilinniagaqanngitsut sulii amerlavallaarput, ilinniartitaanermullu politikkip misissorneqarnissaa, meeqqat atuarfianniit ilinniartitaanernut qaffasinnerusunut, pisariaqartinneqarpoq. Meeqqaat atuarfianni pitsaassuseq nikerarpoq, atuartullu amerlavallaartut inuusuttut ilinniartitit ingerlaqqinnissaminut ilinniakkatigut amigaaateqarlutik. Aningaasaqarnermut

Naak erngup nukingata pingaaruteqarnera annertusiartoraluartoq nukissamik atuinerup 82 procentia sulii ikummatissanit uulianeersunit eqqussorneqartunit pisarpoq

Ilusiliaq 7



Nassuiaat: Nukissamik atuinerup aatsitassanik piiienerup misissuinerullu iluani ikummatissanit uulianeersunit nukissamik atuineq ilanngunnagu, tamaani 2010-mi uuliasiornermut atatillugu nukissamik atuineq immikkullarissumik 1.759 terajoulemut, TJ, qaffassimavoq, 2011-milu 2.267 TJ-mut. Aatsitassanik piiienermi misissuinerlu nukissamik atuineq 2019-imi 88 TJ-iusimavoq.
 Najooqqutarisaaq: Kalaallit Nunaanni Naatsorsueqqissaartarfik.

Siunnersuisoqatigiit ilaatigut tikkuarsimavaat ilinniartitaanermi ilumoortumik naligiissumik periarfissiisoqanngitsoq, ingasammillu nunaqarfinni illoqarfinnilu atuarfiit akornanni assigiinngissuseqartoq.

MISISSUEQQISSAARNEQ
PILLUGU



Nationalbankenip inuiaqatigiinni inissimaffiata kingunerisarpaa aningaasaqarnikkut aningaasaliisarnikkullu pissutsinik misissueqqissaarneq.

Misissueqqissaarnerit ingerlaavartumik saqqummersinneqartarput taakkulu ilagisarpaat akitigut inissisimanermik aningaasaqarnerullu patajaassusaanik naliliinerit.

Misissueqqissaarneq qallunaatut, kalaallisut aamma tuluttut saqqummerpoq. Nutserneqarnerata nassataanik paatsuungasoqartillugu qallunaatoortaa isiginiarneqartassaaq.

DANMARKS NATIONALBANK
LANGELINIE ALLÉ 47
2100 KØBENHAVN Ø
WWW.NATIONALBANKEN.DK

Misissueqqissaarnerup
aaqqissuunneqarnera 11.
november naammassineqarpoq



DANMARKS
NATIONALBANK

Søren Bjerregaard
Allaffimmi pisortaq
sbje@nationalbanken.dk
ANINGAASAQARNERMUT
KISITSISIT

CONTACT

Ole Mikkelsen
Communications
and Press Officer

omi@nationalbanken.dk
+45 3363 6027

SECRETARIAT
AND COMMUNICATIONS